

- 102) Ni ubuhe burenganzira bwo gutambuka mbere mu mihanda itangana?** Uturutse mu muhanda munini niwe utambuka mbere.
- 103) Ni ryari abayobozi b'amagare na velomoteri bashobora gukurikiza amategeko agenga abanyamaguru?** Ni igihe bayoboze ibinyabiziga batabigenderaho
- 104) Ni ibihe byapa bibujijwe gushyirwa ku nzira nyabagendwa?**  
 Ni ibyapa byamamaza  
 Ibimenyetso biranga ibishobora kurangaza  
 Ibituma abayobozi bahuma , Ibibayobya n'ibiyigana.
- 105) Ibimenyetso birombereje bigizwe n'iki?** Bigizwe n'imirongo iteganye n'umurongo ugabanya umuhanda mo kabiri, umurongo urombereje uw'ibitarutaru cyangwa umurongo urombereje ubangikanye n'uw'ibitarutaru.
- 106) Feri y'urugendo bivuga iki? Imaze iki?**  
 Ni uburyo busanzwe bukoreshwa kugirango imodoka igende buhoro cyangwa ihagarare. Ituma imodoka igenda buhoro cyangwa igahagarara ku buryo bwizewe bubangutse kandi nyabwo imodoka naho yaba igeze ahamanuka cyangwa igeze ahaterera uko yaba yikoreye kose.
- 107) Imyanya y'aho ibinyabiziga bibujijwe cyangwa bitegekwa kunyura mu cyerekezo runaka bishobora kugaragazwa n'iki?** bishobora kugaragazwa n'ibimenyetso by'imyambi na ya mirongo irombereje cyangwa n'imitarutaru.
- 108) Ni izihe Rumoroki zishobora gushingirwaho akagarururumuri kamwe?**  
 Ni rumoroki zifite ubugari ntarengwa bwa santimetero 80 iyo zikuruwe n'ipikipiki idafite akanyabiziga ko ku ruhande.
- 109) Ni ryari ihoni ry'ibinyabiziga bigendeshwa na moteri bishobora kuvuzwa ihoni ryumvikanira muri m 50 aho kumvikanira nuri m 100?**  
 Ni iyo umuvuduko wabyo bidapakiye uba utarengeje km50 ku isaha ahategamye.
- 110) Kuki umuyobozi w'ikinyabiziga gikurikira ibindi agomba gusiga umwanya uhagije hagati ye n'icyo akurikiye?** N' ukugira ngo igihe ikinyabiziga kiri imbere ye gihagaze kuburyo butunguranye babe batahora impanuka.
- 111) N'ibihe bimenyetso bishobora gusimbura ibimenyetso bisanzwe by'amatara?**  
 ni ibimenyetso by'uducumu; icyo bitandukaniyeho n'ibimenyetso bisanzwe by'amatara n'uko aho bikuyobora aba ari aho nta handi kandi ibinyabiziga tubuza cyangwa twemerera gutambuka ari ibihereye mu cyerekezo utwo ducumu dutungamo .
- 112) Ibimenyetso bimurika bigenewe abanyamaguru bigizwe n'amabara angahe? yavuge unayasobanure?** Bigizwe n'amatara abiri: Umutuku n'icyatsi  
**UMUTUKU:** Uvuga ko umunyamaguru nta burenganzira afite bwo gutambuka  
**ICYATSI:** Kivuga ko umunyamaguru afite uburenganzira bwo gutambuka .
- 113) Ni abahe bayobozi bemerewe kugenda batiziritse umukandara (ceinture de sécurité)**  
 a) Ni abantu bakora akazi gatuma binjira bongera basohoka mu modoka buri kanya .**urugero:** abakozi b'iposita  
 b) Umugore utwite
- 114) Ni ibihe binyabiziga byemewe gukurura ibinyabiziga birenze bitatu hatagombye uruhushya rwihariye?**  
 a) Ibinyabiziga bya ba Mukerarugendo  
 b) Ibinyabiziga by'abakozi b'imihanda
- 115) Uburenganzira (permis de conduire) bwerekana iki ?** Bwerekana urwego cg inzego z'ibinyabiziga zatangiwe.
- 116) Ufite uburenganzira bw'agateganyo yemerewe gutwara izihe modoka ?**  
 Ntabyemerewe, keretse iyo ari kumwe n'umwigisha ufite uburenganzira bw'imodoka yigiraho umwigisha agomba kuba iruhande rwe ,kugirango amwereke cg amuyobore bibaye ngombwa.